

霍亂新論



霍亂新論

板存狼虎街官刻字局每本印
毛邊系金元一百文



霍亂最忌生薑桂附及一切辛熱口服鼻
嗅之藥誤用以上諸藥者輕者重重者死
不用以上諸藥但照此書之方施治十人
可以愈九此書成於戊戌七月壬寅年又
驗過多人雖至肢冷如冰舌白似雪亦無
不可以挽救醫家病者試驗自知著者識



嗚呼時疫毒人之慘其尙有多於霍亂與急於霍亂者乎
霍亂治法始見於傷寒論暨巢氏病源千金外臺等書宋
以來諸名家著述亦莫不詳論病情傳播方藥顧其方法雖
多而臨證施用迄不得效何耶旣不得效乃不得不雜取小
家言暨單方秘藥胡亂雜投然而法愈歧謬愈甚藥愈多效
愈鮮究何故乎歐人東來醫學傳布最早余嘗取其書而讀
之有所謂英國霍亂者有所謂亞細亞霍亂者一霍亂也而
何以有英國亞細亞之別蓋所謂英國者指尋常霍亂而所
謂亞細亞則惡毒霍亂也余乃恍然曰往昔中國方書所載

霍亂殆卽今西人所指尋常病故其方用之亦時而有效若
近今所流行之霍亂豈非西人所謂惡毒症乎宜用其方者
之如水投石也顧中醫方法旣不盡可恃西人宜有特別之
治法可以無投不利矣余又嘗進考其治法雖有磺酸鴉片
等劑之設然亦慰情勝無不能如汞綠之於花柳雞哪之於
瘡疾挨阿鐳之於癰腫哥枝噤之於酒風脚可以神驗而獨
效也豈病出亞細亞彼西人固有無可如何者乎是誠醫學
界之缺點也然則當今之時而有善治此證之方之法雖西
人且亟欲聞之矧我同種自余先人行醫數十年別出方劑



治療此證收效已逾千人余於乙未丙申兩年遵用成法
效亦大約數百經驗之方而久秘之醯雞之見余何敢安
以行世將以備醫家臨證之方針與居室輩有病時之查
其於醫學之開明種學之進步或能補助於萬一亦未可
至問此證之所以然則莫詳於西人微生物學家言而余
人之方之所以能治此證雖余亦難剖晰言之但以爲用
有效比諸雞哪之治霉氣毒爲不合理之治法而已若所
解毒云者爲未窺西籍者說法不得不爾其遂足爲定
論乎其猶未足爲定論乎



光緒二十八年五月丹徒姚訓恭自序

輒述其言思之
育效也前據
人之式之利也
至問此藥之
其外醫學之
以吾世報以
亦大降獲百
而難也其效
余然之宋西
中而平後則
其

霍亂新論

察脈

常人一呼一吸脈五至熱病六七至霍亂劇時脈七八至或十餘至至數愈多脈形愈促時短脈促按之不能分其起落而脈伏矣重者自起病至脈伏祇數刻輕者但脈數而已

霍亂輕者脈微數重者極數再重則數極而伏其微數者胃亂亦微極數者胃亂亦極至於數極而伏則胃亂之苦將不堪言狀

脈伏與肢冷相因然肢冷脈容有不伏脈伏未有肢不冷者

他證至脈伏必昏憤霍亂雖極重心仍明白

夏月泄瀉脈七八至以上者爲霍亂之候與尋常五苓散證不同當以霍亂法治之

將轉之脈粗按若有若無細按隱隱蠕動柔軟若綫或如燈芯一半日後漸洪大有粗如筆管者再由洪大轉小緩則爲全愈之候

霍亂以脈起爲將轉輕者亦以脈數轉緩爲欲愈雖仍吐瀉不足爲慮

將伏之脈細而急將轉之脈細而緩以此決病之進退



審證

霍亂有輕有重輕者但吐瀉腹痛口渴胃亂脈細數手足發

麻重者肢冷

有週身皆冷但胃口微溫者

脈絕面鰲螺癆音啞目藍轉筋

腓硬或極渴或不渴手掌如浸水舌皆膠粘濁膩或慘白如
霜其初吐出水穀繼而吐出清涎甚有似肉非肉作紫暗色
與涎沫俱出者瀉出之物亦皆如是此時胃腹必異常痛楚
然治之得法十仍愈九

吐瀉腹痛固爲霍亂之正其有但吐不瀉但瀉不吐或並不
吐不瀉而心腹疔痛者但審其痛勢或上攻或下竄卽爲霍

亂之候

此證於廣行霍亂時多有之

霍亂雖肢冷如冰仍欲坐臥涼地且渴喜飲冷又有一種按之肌膚灼熱而重衾厚被仍覺畏寒但諗其脈數口渴即

霍亂一例治之

此證於不行霍亂時偶有之

霍亂必渴其有不渴者非極輕即極重極重之證初時不知渴稍轉即渴甚

霍亂固喜飲冷間有喜熱者勿疑為寒

霍亂將轉固驗之脈但其時面必微頰目亦微赤螺紋凸起

此言其重者輕者手足不冷或稍冷



熱即轉

至手足如常熱面顴必甚赤聲音亦揚

辨舌

霍亂舌苔最難憑驗有白有黃有滑有燥有證輕而舌垢膩
有證重而舌純淨惟至肢冷脈伏則舌必膠粘濁膩或白滑
如粉其證輕而舌垢膩乃本有痰濕未病霍亂舌即如此其
病重而舌純淨乃本無他病但染霍亂證雖重無妨若夫肢
涼脈絕在霍亂爲極險之候而膠粘濁膩與白滑如粉亦即
爲霍亂險證應有之舌色切勿據此而疑爲寒

舌苔之所以膠粘濁膩白滑如粉者初但知與肢冷面顴爲

一類按驗既多始知由舌本之內變作紫黯色或青白色故舌上之苔亦變易常色也以尋常傷寒雜病舌色例之將見白而疑爲寒見滑而疑爲痰與濕必誤

餘證

霍亂轉後有發斑疹者

百中一二

有通體熱如火燒難忍者

百中之一

皆熱毒外達勿畏

有打呃忒者或由飲水過多或胃中餘邪未淨祇要脈起呃忒無妨

有痛瀉已止忽又痛瀉日數十行者

百中二三

乃餘毒未清仍從

初治

有愈後數日發腫者

百中之一

宜健脾理濕

有邪氣上衝犯肺嗆咳者

百中二三

宜潤肺

有小便不通者宜壯水勿滲利

有愈後轉瘡者

百有五六

從脾瘡治勿拘小柴胡

治法

霍亂爲疫證之類傳染最速往往由一人而一家由一家而一方更或蔓延數省或間年卽有或間數年始有而見於夏秋之交者居多治之之法以解毒爲第一義猜寒猜熱蓋兩

失之

霍亂無論輕重悉以連萸解毒湯治之輕者一劑可愈

須服二劑

重者倍連萸或三倍用之服後數刻俟其脈起再減製與之

服藥宜多分
次數防其吐

胃亂呼痛者銀花露調下紫雪丹數分立愈

凡重證均宜
與紫雪丹

渴欲飲水者與水必吐以雪水或地漿緩緩與之西瓜汁銀

花露均可與之

轉筋者視委中及肘灣等處有血管

即俗稱
青筋

宜以芒針各刺

數十令血出十指少商穴及足指旁均宜刺

死候

汗冷如油舌苔膠粘黃膩裏至舌下者死

臂肘血管

卽俗稱青筋

暴起以指循按管中血隨指退復緩緩流

充原處者死

針刺膝灣肘窩等處血赤者輕黑者重然無妨惟膚隨針起吸針使不得出及針出而膚尖起不卽平復者死

誤服姜湯熱藥輕者重重者死

誤服回陽救急丹舌必焦黑焦黑者死焦黑退而舌光亮如

鏡津液不回二三日後必口鼻逆血而死

極老極幼之人患霍亂者死

老者猶十愈六七
幼則僅活二三

雜論

霍亂係一種傳染疫證但疫證之中有憎寒壯熱頭痛如絞

腰如被杖者此吳又可所謂瘟疫也

詳見瘟
疫論

有初起即出斑

疹者此余師愚所謂疹疫也

詳見疹
疫一得

此外更有寒疫濕疫大

頭瘟等證而以霍亂證為最厲蓋疫而近於毒矣

霍亂係口鼻吸受穢毒與尋常暑濕不同因暑濕頻年皆有

霍亂必間數年始有也

霍亂或名之為絞腸痧弔脚痧癘螺痧又或名之為麻證其

